

唐
音
統
籤

丁籤一

二三四
同卷

唐詩統籤卷

二百十二

元載字公輔岐山人嗜學好屬文天寶中以四子登科相肅宗及代宗居位貪恣賜死集十卷

宋志亡

今存詩一篇

別妻王韞秀

韞秀詳庚部 載見輕於王之親屬韞秀勸之遊學因爲詩別

素之人

年來誰不厭龍鍾雖在侯門似不容看取海山寒翠樹苦遭霜霰到秦封

丁籤二

李泌字長源京兆人七歲知爲文玄宗召令供奉

請還山代宗朝召爲翰林學士尋出牧德宗幸奉

天徵授散騎常侍貞元中拜中書侍郎平章事封

鄴縣侯泌好談神仙而復兩京安皇儲多其密贊

力文集二十卷

宋志亡

今存詩四篇

梁肅序其集云習嘉遜則有滄

浪紫府之詩在王庭則有君臣廢載之歌步驟六義發揚時風

詠方圓動靜

玄宗召見方輿張說觀碁命說試之詩卽令咏方圓動靜泌曰

願聞其狀說曰方如碁局圓如碁子動如

碁生靜如碁死說以其初仍教之曰但可

以意虛作不得更實道碁字泌曰隨意卽

甚易耳乃云云說賀曰聖代嘉瑞也玄宗

大悅抱子懷撫之賜果餌衣物及綵數十

方如行義圖如用智動如逞才靜如遂意

長歌行

後二年賦此詩傳寫者莫不解賞張九齡獨識之曰早得美名宜自輯晦

但當爲詩賞風景咏古賢勿自揚已爲妙泌泣謝之爾後爲文不復自言

天覆吾地載吾天地生吾有意無不然絕粒昇天
嚮不然鳴珂遊帝都焉能不貴復不去空作昂藏
一丈夫一丈夫兮一丈夫千生氣志是良圖請君
看取百年事業就扁舟泛五湖

奉和聖製中和節曲江宴百寮

泌傳云德宗以上巳九日

皆大宴集而寒食上巳多同時欲以二月
名節必請廢正月晦以二月朔爲中和節
因賜大臣戚里尺謂之裁度里間釀宜春
酒百官進農書以示務本帝乃著令與上

已九月爲三令節中
外皆賜緡錢燕會

風俗時有變中和節惟新軒車雙闕下宴會曲江
濱金石何鏗鏘簪纓亦紛綸皇恩降自天品物感
知春慈恩匝寰瀛歌詠同君臣欠一韻

奉和聖製重陽賜會聊示所懷

大唐造昌運品物荷時成乘秋逢令節錫宴歡羣
情俯臨泰山川高會漢公卿欠一韻未追赤松子且
泛黃菊英賡歌聖人作海內同休明

句

青青東門柳歲晏復憔悴

謝侯家傳云泌賦詩譏
楊國忠云云國忠誅於

明皇上曰賦柳爲讒卿則賦李爲讒朕可乎又本傳云泌賦感遇詩國忠奏其諷刺時政詔斬素去置說良弓摧折久誰識是龍韜建寧王哀詞不同

旋沫翻成碧玉池添酥散出琉璃眼

茶家傳云皇孫奉節王

好詩初煎茶加椒酥之類求泌詩泌戲云云王卽德宗

丁籤三

常袞京兆人天寶末登第累官翰林學士中書舍人文章俊拔爲當時推重代宗朝拜門下侍郎同平章事建中初罷爲福建觀察閩人知學袞教之始也集十卷唐宋志同今存詩九篇

奉和聖製麟德殿燕百寮應制

唐詩續編
雲闌御筵張山呼聖壽長玉闌豐瑞草金陛立神
羊台鼎資庖膳天星奉酒漿蠻夷陪作位犀象舞
成行網已祛三面歌因守四方千秋不可極花發
滿宮香

早秋望華清宮樹因以成詠

一作盧
綸詩

可憐雲木叢滿禁碧濛濛色潤靈泉近陰清輦路
通玉壇標八桂金井識雙桐交映凝寒露相和起
夜風數枝盤石上幾葉落雲中燕拂宜秋霽蟬鳴
覺晝空翠屏更隱見珠綴共玲瓏雷雨生成早樵
蘇禁令雄野藤高助綠仙果迥呈紅惆悵繚垣暮

茲山間暗蟲

晚秋集賢院卽事寄徐薛二侍郎

穆穆上清居沈沈中秘書金鋪深內殿石甃淨寒
渠花樹臺斜倚空煙閣半虛縹囊披錦繡翠軸卷
瓊瑤墨潤冰文蘭香銷蠹字魚翻黃桐葉老吐白
桂花初舊德雙遊處聯芳十載餘北朝榮庾薛西
漢盛嚴徐侍講親華宸徵吟步綺疏綬簾金翡翠
賜硯玉蟾蜍序秩東南遠離憂歲月除承明期重
入江海意何如

和考功員外杪秋憶終南舊宅之作

以下六首或作

盧綸此首

又作岑參

靜憶溪邊宅知君許謝公曉霜凝未報初日照梧
桐澗鼠喧藤蔓山禽竄石叢白雲當嶺雨黃葉繞
階風野菓垂橋上高泉落水中歡榮來自閒羸賤
賞曾通月滿珠藏海天晴鶴在籠餘陰如可寄願
得隱墻東

春題金吾郭將軍石洑茅堂

雲戟曙沈沈軒墀清且深家傳成棟美堯寵結茅
心玉佩多依石油幢亦在林爐香諸洞暖殿影衆
山陰草奏風生筆筵開雪滿琴客從龍闕至僧自

虎溪尋瀟酒延清賞周流會素襟終朝惜塵步一
醉見華簪

登栖霞寺

林香雨氣新山寺綠無塵遂結雲外侶共遊天上
春鶴鳴金閣麗僧語竹房鄰待月水流急惜花風
起頻何方非壞境此地有高人迴首空門外幡然
一幻身

逢南中使寄嶺外故人

見說南來處蒼梧指桂林過秋天更煖邊海日長
陰巴路綠雲出蠻鄉入洞深信回人自老夢到月

應沉碧水通春色青山寄遠心
炎方難久客爲爾沾襟

代員將軍罷戰後歸故里

結髮事疆場全生到海鄉
連雲防鐵嶺同日破漁陽
牧馬胡天晚移軍磧路長
枕戈眠古戍吹角立繁霜
歸老勲仍在酬恩虜未亡
獨行過邑里多病對農桑
雄劍依塵橐兵符寄藥囊
空餘麾下將猶逐羽林郎

詠冬瑰花

奉和中書李舍人昆季咏寄徐郎中之作

獨鶴寄煙霜雙鸞思晚芳
舊陰依謝宅新艷出蕭

牆蝶散搖輕露鶯銜入夕陽雨朝勝濯錦風夜劇
焚香麗日千層艷孤霞一片光密來驚葉少動處
覺枝長布影期高賞留春爲遠方嘗聞贈瓊玖叨
和愧升堂

句

風候已應同嶺北雲山仍喜似終南

題漳浦驛
方輿勝覽

丁籤四

劉太真宣州人師蕭穎士天寶末舉進士累官禮
部侍郎終信州刺史善屬文尤長於詩每篇出人
皆諷詠貞元四年重九曲江宴詩德宗品爲第一

集三十卷

宋志

今存詩三篇

宣州東峰亭各賦一物得古壁苔

同賦袁係崔何王緯

高係李岑蘇寓袁邕郭澹詩見後已錄

冉冉溫寒泉綿綿古危壁光含孤翠動色與暮雲
寂深淺松月間幽人自登片

顧十二況左遷過韋蘇州房杭州韋睦州三
使君皆有郡中燕集詩辭章高麗鄙夫之所
仰慕顧生既至留連笑語因亦成篇以繼三
君子之風焉

寵至乃不驚罪及非無由奔迸歷畏途緬邈赴偏

暇牧此彫弊吐屬當賦歛秋風興諒無補旬暇焉
敢休前日懷友生獨登城上樓迢迢西北望遠思
不可收今日車騎來曠然銷人憂晨迎東齋飯晚
度南溪遊以我碧流水泊君青翰舟莫將遷客程
不爲勝境留飛札謝三守斯篇希見酬

貢院寄前主司蕭尚書聽

一作呂渭詩

獨坐貢闈裏愁心芳草生山公昨夜事應見此時
情

丁籤五

六同卷

唐音統籤卷

二百十三

柳淡字中庸河東人有文名蕭穎士愛其才以女

妻之仕爲洪府戶曹早卒詩十三篇

文在文苑傳志不著集

因語云與陸羽交契至深李端集與還往詩亦多又酉陽雜俎云其善易筮

秋怨

玉樹起涼煙凝情一葉前別離傷曉鏡搖落思秋

絃漢壘關山月胡笳塞北天不知腸斷夢空遠幾

山川

幽院早春

草短花初拆蒼青柳半黃隔簾春雨細高枕曉鶯

長無事含閑夢多情識異香欲尋蘇小小何處覓
錢塘

夜渡江

一作姚崇詩

夜渚帶浮煙蒼茫晦遠天舟輕不覺動纜急始知
牽聽笛遙尋岸聞香暗識蓮唯看去帆影常似客
心懸

丁評事宅秋夜宴集

翠幕卷回廊銀燈開後堂風驚擁砌葉月冷滿庭
霜綺席人將醉繁絃夜未央共憐今促席誰道客
愁長

春思贈人

紅粉當三五青娥艷一雙綺羅迴錦陌絃管入花
江落鴈驚金彈拋孟瀉玉釭誰知褐衣客顚顚在
書窓

寒食戲贈

春暮越江邊春陰寒食天杏花香麥粥柳絮伴鞦
韆酒是芳菲節人當桃李年不知何處恨已解入
箏絃

聽箏

抽絃促柱聽秦箏無限秦人悲怨聲似逐春風知

柳態如隨啼鳥識花情誰家獨夜悲燈影何處空
樓思月明更入幾重離別恨江南岐路洛陽城

揚子途中

楚塞望蒼然寒林古戍邊秋風人渡水落日鴈飛
天

江行

繁陰乍隱洲落葉初飛浦蕭蕭楚客帆暮入寒江
雨

涼州曲二首

關山萬里遠征人一望關山淚滿巾青海戍頭空

有月黃沙磧裏本無春

高檻連天望武威窮陰拂地戍金微九城絃管聲
遙發一夜關山雪滿飛

征人怨

歲歲金河復玉關朝朝馬策與刀環三春白雪歸
青塚萬里黃河遶黑山

河陽橋送別

黃河流出有浮橋晉國歸人此路遙若傍闌干千
里望北風驅馬雨蕭蕭

丁籤六

竇叔向字遺直京兆人代宗朝常袞引爲左拾遺
內供奉袞貶出爲溧水令善五言詩貞懿皇后山
陵上注意哀挽進三章內考首出傳諸人口集七

卷宋志今存詩九篇洪景廬隨筆云叔向挽詞無一首存于今荆公百家詩選

亦無之予嘗得故吳良嗣家所抄唐詩僅有叔向六篇皆奇作念其不傳于世悉錄之卽早朝過擔石湖送包大夫并哀輓二首及夏夜表兄宅詠舊七言律是也今復一寒食端午酬李嘉祐三篇而哀挽之三僅得一聯全什終無從購云

春日早朝應制

紫殿俯千官春松應合歡御爐香焰暖馳道玉聲
寒乳燕翻珠綴祥鳥集露盤宮花一萬樹不敢舉

頭看

過擔石湖

曉發漁

一作魚

門戍晴看擔石湖日啣高浪出天入

四空無咫尺分洲島纖毫指

一作辨

舳艫渺然從此

去誰念客帆孤

秋砧送包大夫

斷續長門夜清冷逆旅秋征夫應待信寒女不勝
愁帶月飛城上因風散陌頭離居偏入聽况復送
歸舟

貞懿皇后挽歌三首

唐詩集
二陵恭婦道六寢盛皇情禮遜生前貴恩追歿後
榮甥王親捧土愛女復連塋東望長如在誰云向
玉京

其二

後庭攀畫柳上陌咽青笳命婦羞蘋葉都人插柰
花壽宮星月異仙路往來賒縱有迎神術終悲隔
絳紗晉史云成帝時三吳女子相與簪白花望之
如素柰傳言天公織女死爲之着服已而
皇后崩其
言遂驗

其三

止存二句見
聯珠集序

禁兵環素帟宮女哭寒雲

寒食賜火

恩光及小臣華燭忽驚春電影隨中使星輝拂路人幸因榆柳暖一照草茅貧

端午日恩賜百寮

仙宮長命縷端午降殊私事盛蛟龍見恩深犬馬知餘生儻可續終冀答明時

夏夜宿表兄話舊

夜合花開香滿庭夜深微雨醉初醒遠書珍重何曾達舊事淒涼不可聽去日兒童皆長大昔年親友半凋零明朝又是孤舟別愁見河橋酒幔青

酬李袁州嘉祐

少年輕會復輕離老大關心總是悲
強說前程聊自慰未知携手定何時
公才屈指登黃閣匪服胡顏上赤墀
想到長安誦佳句滿朝誰不念瓊枝

丁籤七

唐音統籤卷

二十四

顧况字逋翁蘇州海鹽人長於歌詩性好恢諧雖王公之貴亦戲侮之嘗為韓滉節度判官與柳渾李泌善渾輔政以校書徵泌為相稍遷著作郎悵悵不樂求歸坐詩語調謔貶饒州司戶參軍後隱

居茅山以壽終集二十卷

宋志十五卷通考止存五卷

今編詩

四卷

皇甫湜撰集序畧云吳中山山泉氣狀英淑怪麗君翕輕清以為性結冷汰以為質煦鮮容

以為詞偏於逸歌長句駿發踔厲往往若穿天心

出月脅意外驚人語非尋常所能及最為快也

况兼工小筆嘗求知新亭監人詰之曰予要觀

海中山耳解職後落筆果有奇趣

詩雖有骨氣然詞

指不圓終為機悵

四言古詩

上古懲農也

遐哉上古生棄與柱勾龍是主乃有南田惟彼南
田有萬斯年開利之源無乃塞源一屋亦官百屋
亦官嗇夫孔艱浸兮嘆兮申有螽兮惟馨祀是患
豈止餒與寒嗇夫咨咨務盛苗衰耕之耰之穉穉
鋤犁手胼足胝水之蛭蠃吮喋我肌我姑自思胡
不奮飛東人利百西人利百有匪我心胡爲不易
河水活活萬人逐末俾爾之愉悅兮

左車憑險也震爲雷兄長之左東方之師也

憑險不已君子憂心而作是詩

左車有慶萬人猶病曷何去之于黨孔盛敏爾之
生胡爲波迸

左車有赫萬人毒螫曷可去之于黨孔碩敏爾之
生胡爲草戚

築城刺臨戎也寺人臨戎以墓塋爲城壁

築城登登于以作固咨爾寺兮發郊外冢墓死而
無知猶或不可若其有知惟上帝是愬

築城奕奕于以固敵咨爾寺兮發郊外冢甍死而
無知猶或不可若其有知惟上帝是謫

持斧啓戎士也戎士伐松栢爲蒸薪孝子徘徊而作是詩

持斧持斧無翦我松栢兮栢下之土藏吾親之體魄兮

十月之郊造公室也君子居公室當思布德行化焉

十月之郊羣木肇生陽潛地中舒達勾萌瞻其蔚兮不可以遊息乃熾蒺藜乃夷荆棘乃繇彼曲直匠氏度思登斧以時澤梁蓁蓁無或夭枝有巨根帶生混茫際呼吸羣籟萬人揮斤坎坎有厲陸遷

水濟萬力殫弊審方面勢姑博其製作爲公室公
室旣成禦燥濕風日棟之斯厚榱之斯密如翼于
飛如鱗櫛比繚以周墉城以崇階俯而望之蟲與
雲齊礪汰賦袂藻井旋題丹素之景今椒桂之馥
今高閣高閣珠綴結絡金鋪爛若不集于鳥雀繪
事告畢賓筵秩秩乃命旨酒乃鼓琴瑟琴瑟在堂
莫不靜謐周環掩關仰不漏日冬日嚴凝言納其
陽和風載昇夏日鬱蒸言用于陰涼風颯興有匪
君子自賢不已乃夢乘舟乃夢乘車夢人占之更
爽其居炎炎則移皎皎則虧木實之繁兮明年息

枝爰處若思胡寧不爾思

燕于巢審日辰也燕不以甲乙啣泥

燕燕于巢綴葺維戊甲今乙今不宜有謬飛龍在天雲掩于斗曷日于雨乃曰庚午彼日之差亦孔斯醜昔在羲和涵淫不脩我笙我龜莫我告繇胤乃征之彝倫九疇君子授律如是禡是禡三五不備罔克攸遂惠此蒸人毋廢爾事爾莫我從維來者是冀

蘇方諷商胡船舶運蘇方歲發扶南林邑至齊國立盡

蘇方之赤在胡之舶其利乃博我土曠今我居閩
兮我衣不自兮朱紫爛兮傳瑞昨兮相唐虞之維
百兮

陵霜之華傷不實也

陵霜之華我心憂嗟陰之勝矣而陽不加塊軋大
釣乃帝乃神乃舒乃屯烈烈嚴秋熙熙陽春職生
有倫今華發非其辰辰屬東方之仁遐想三五黃
帝登雲堯年百餘二儀分位六氣不渝二景如璧
五星如珠陵霜之華兮何不妄敷

困哀閩也

困音蹇閩俗呼子爲困呼父爲卿
按唐世閩見多出閩中諸道

賈胤號爲私白事見楊復恭傳青箱雜記云唐世多取閹童爲闈奴以進之故况

陳其苦以諷焉

因生閩方閩吏得之乃絕其陽爲臧爲獲致金滿屋爲髡爲鉗如視草木天道無知我罹其毒神道無知彼受其福郎罷別國吾悔生汝及汝旣生人勸不舉不從人言果獲是苦因別郎罷心摧血下隔地絕天及至黃泉不得在郎罷前

我行自東不遑居也

我行自東山海其空旅棘有叢我行自西壘與雲齊雨雪淒淒我行自南烈火滿林日中無禽霧雨

淫淫我行自北燭龍寡色何枉不直我憂京京何
道不行兮

採蠟怨奢也荒巖之間有以續蒙其身腰藤
造險及有羣蜂肆毒哀呼不應則上捨藤而
下沈之窟

採採者蠟干泉谷兮煌煌中堂烈華燭兮新歌善
舞絃柱促兮荒巖之人自取其毒兮

五言古詩

擬古三首

龍劍昔藏影送雄留其雌人生阻懽會神物亦別

離碧樹感秋落佳人無還期夜琴爲君咽浮雲爲
君滋愛而傷不見星漢徒參差

幽居盼天造胡息運行機春葩妍旣榮秋葉瘁以
飛滔滔川之逝日沒月光輝所貴法乾健于道悟
入微任彼聲勢徒得志方誇毘

浮生果何慕老去羨介推陶令何足錄彭澤歸已
遲空負漉酒巾乞食形諸詩吾道抱貞素悠悠白
雲期

從軍行二首

弭節結徒侶速征赴龍城單于近突圍烽燧屢夜

驚長弓挽滿月劍華霜雪明遠道百草頽峭覺寒
風生風寒欲砭肌爭柰裘襖輕回首家不見候鴈
空中鳴笳奏還以哀肅肅趣嚴程寄語塞外胡擁
騎休橫行

少年膽氣麤好勇萬人敵杖劍出門去三邊正艱
厄怒目時一呼萬騎皆辟易殺人蓬麻輕走馬汗
血滴醜虜何足清天山坐寧謐不有封侯相徒負
幽并客

塞上曲

黠虜初南下塵飛塞北境漢將懷不平讐擾當遠

屏金尊臥不暖起舞霜月冷點軍三十年部伍嚴
以整酣戰祈成功于焉罷邊釁

遊子吟

故櫪思疲馬故窠思迷禽浮雲蔽我鄉躑躅遊子
吟遊子悲久滯浮雲鬱東岑客堂無絲桐落葉如
秋霖難哉遠遊子所以悲滯淫一爲浮雲詞憤塞
誰能禁馳暉百年內唯願展所欽胡爲不歸歟坐
使年病侵未老霜遶鬢非狂火燒心太行何難哉
北斗不可斟夜靜星河出耿耿辰與參佳人夏青
天尺素重於金沈寥羣動異眇默諸境森苔衣上

閒堦蟋蟀催寒碓立身計幾悞道險無容針三年
不還家萬里遺錦衾夢竟無重阻離憂罔古今胡
爲不歸歟辜負匣中琴腰下是何物牽纏曠登尋
朝與名山期夕宿楚水陰楚水殊演漾名山宵峴
嶽客從洞庭來婉孌瀟湘深橘柚在南國鴻鴈遺
其音下有碧草洲上有青橘林引燭窺洞穴凌波
睥天琛蒲河影參差鳬鶴雛淋淅浩歌惜芳杜散
髮輕華簪胡爲不歸歟淚下沾衣襟鳶飛戾霄漢
螻蟻制鱣鱓赫赫大聖朝日月光照臨聖主雖啓
通吾人分湮沉屬城登雲韶王府鏘球琳鹿鳴志

豐草況復虞人箴

棄婦詞

古人雖棄婦棄婦有歸處今日妾辭君辭君欲何
去本家零落盡慟哭來時路憶昔未嫁君聞君甚
周旋及與同結髮值君適幽燕孤冤託飛鳥兩眼
如流泉流泉咽不燥萬里關山道及至見君歸君
歸妾已老物情棄衰歇新寵方妍好拭淚出故房
傷心劇秋草妾已憔悴捐羞將舊物還餘生欲有
寄誰肯相留連空床對虛牖不覺塵埃厚寒水落
芙蓉秋風墮楊柳記得初嫁君小姑娘始扶床今日

君棄妾小姑如妾長回頭語小姑莫嫁如兄夫

棄婦詞

前篇見品藻此篇見才調集多寡互異並存之

古來有棄婦棄婦有歸處今日妾辭君遣妾何處
去舊家零落盡慟哭來時路憶昔初嫁君聞君甚
周旋綺羅錦繡段有贈黃金千十五許嫁君二十
移所天結髮日未久離居緬山川家家盡歡樂賤
妾空自憐幽閨多沉思盛事無十年相思若循環
枕席生流泉流泉咽不燥獨夢關山道及此見君
還君歸妾已老物華惡衰賤新寵芳妍好掩淚出
故房傷心極秋草自妾爲君妻君東妾在西紅顏

到曉恨玉貌一生啼妾有嫁時服輕雲淡翠霞墀
璃作斗帳四角金蓮花自從別離後不覺塵埃厚
常嫌玳瑁孤獨恨梧桐偶玉顏逐霜霰賤妾何能
守寒沼落芙蓉秋風散楊柳以此憔悴顏空將舊
物還餘生欲有寄誰肯相牽攀君恩旣斷絕相見
何年月悔顧連理盃虛作同心結女蘿附青松貴
在相依投浮萍共綠水教作若爲流不忿君棄妾
自嘆妾緣薄憶昔初嫁君小姑纔倚床今日辭君
去小姑如妾長回頭語小姑莫嫁如兄夫

苦雨思歸桃花嶠

朝與佳人期碧樹生紅萼暮與佳人期飛雨洒清
閣佳人省何許中夜心寂寞試憶花正開復驚落
初落行騎飛泉鹿臥聽雙海鶴嘉願有所從安得
處其薄

在滁苦雨歸桃花崦傷親友略盡

廢氣忝殘生後來亦先天詩人感風雨長夜何時
曉去國宦情無近鄉歸夢少底身絕中援甘靜忘
外擾麗景變重陰洞山空木表靈潮若可通寄謝
西飛鳥

初秋蓮塘歸

秋光淨無跡，蓮浦錦雲紅。只有溪上山，還識楊舸。
翁如何。白蘋花，幽渚笑涼風。

弋陽溪中望仙人城

何草乏靈姿，無山不孤絕。我行雖云蹇，偶勝聊換
節。上界浮中流，光響洞明滅。曉禽曝霜羽，寒魚依
石髮。自有無還心，隔波望松雪。

嚴公釣臺作

靈芝產遐方，威鳳家重霄。嚴公何耿潔，託志肩夷
巢。漢后雖則貴，子陵不知高。糠粃當世道，長揖雙
龍朝。掃門彼何人，升降不同朝。捨舟遂長往，山谷

多清颺

獨遊青龍寺

春風入香剎
暇日獨遊衍
曠然蓮花臺
作禮月光面
乘茲第八識
出彼超二見
擺落區中緣
無邊廣弘願
長廊朝雨畢
古木時禽轉
積翠暖遙原
雜英紛似霰
鳳城騰日窟
龍首橫天堰
蟻步避危階
蠅飛響深殿
大通智勝佛
幾劫道場現

長安寶明府後亭亭

君爲長安令
我美長安政
五日一朝天
南山對明鏡
鳥飛青苔院
水木相輝映
客至南薰鄉
綠桐展

歌詠吏人何蕭蕭終歲無喧競欲識明府賢邑中
多百姓

和翰林吳舍人兄弟西齋

君家誠易知易知復難同新裁尺一詔早入明光
宮西齋何其遠上與星漢通永懷洞庭石春色相
玲瓏久懷巴峽泉夜落君絲桐信是怡神所迢迢
茂華嵩鳥飛晴雲滅疊幃盤虛空君家誠易知易
知意難窮

奉酬劉侍郎

幾迴新秋影壁滿蟾又缺鏡破自傾臺輪斜同覆

轍雖分上林桂還照滄洲雪
麈尾伴顙顙人歸華珮不減

酬房杭州

郡樓何其曠亭亭廣而深
故人牧餘杭留我披留
衿滿篋閱新作璧玉誕清音
流水入洞天宵豁欲
凌臨關險延北阜
雍道陟南岑朝從山寺還
醒醉動笑吟荷花十餘里
月色攢湖林父老惜使君却
欲速華簪

酬信州劉侍郎兄

劉兄本知命屈伸不介懷
南州管靈山可惜曠士

乖樵隱同一徑竹樹薄西齋鳥陵嶂合杳月配波
徘徊薄宦修禮數長景謝談諧願爲南州民輪脫
事鉏犁胡爲走不止風雨驚遑迴

酬漳州張九使君

故人窮越徼狂生起悲愁山海萬里別草木十年
秋鞭馬廣陵橋出祖張漳州促膝墮簪珥關幌憂
琳球短題自茲簡華篇詎能酬無階承明庭高步
相追遊南方榮桂枝凌冬拾溫裘猿啗郡齋中蘿
靜檀樂流薛鹿莫徕洞網魚盧亭洲心安處處安
處處思遐陬

薛音殺
義同

奉同郎中韋使君郡齋雨中宴集

時况左遷
饒州故詩

云云

好鳥依嘉樹飛雨洒高城况與數君子列坐分兩
楹文雅一何麗林塘含餘清我公未歸朝遊子不
待晴白雲帝鄉遠滄江楓葉鳴拜手欲無言零淚
如酒傾寸心已摧折別離方骨驚安得凌風翰蕭
蕭賓天京

謝王郎中見贈琴鶴

此琴等焦尾此鶴方胎生赴節何徘徊理感物自
并獨立江海上一彈天地清朱絃動瑤華白羽飄

玉京因想羨門輩耿然四體輕子喬翔鄧林王母
遊層城忽如啓靈署鸞鳳相和一作呼鳴何由玉女
床去食琅玕英

望初月簡于吏部

沈寥中秋夜坐見如鉤月始從西南升又欲西南
沒全移河上影斲透林間缺縱待三五時終爲千
里別

上湖至破山贈文周蕭元植

一別二十年依依過故轍湖上非往態夢想頻虛
結二子伴我行我行感徂節後人應不識前事寒

泉咽一別二十年人堪幾回別

黃山谷云語簡緩而立意精確

華山西岡遊贈隱玄叟

羣峯鬱初霽潑黛若鬟沐天風鼓嗒呀搖撼千瀦
水木葉微墮黃石泉淨停綠危磴蘿薜牽迥步入
幽谷我心寄青霞世事慚蒼鹿遂令巢許輩于焉
謝塵俗想是悠悠雲可契去留躅

歸陽蕭寺有丁行者能修無生忍擔水施僧
况歸命稽首作詩

化拂示持帚仲尼稱執鞭列生御風歸飼豕如人
焉曹溪第六祖踏碓逾三年伊人自何方長綬趨

遙泉開士行何苦雙瓶胝兩肩蕭寺百餘僧東厨
正揚煙露足沙石裂外形巾褐穿若其有此身豈
得安穩眠獨出違順境不爲寒暑還大聖于其中
領我心之虔萬法常空滅無生因忍全一國一釋
迦一燈分百千永願遺世知現身彌勒前潛容徧
虛空靈響不可傳智慧舍利弗神通目犍連阿若
憍陳如迦葉迦旃延左右二菩薩支殊并普賢身
披六銖衣憶劫爲大仙寶塔寶樓閣重簷交梵天
譬如一明珠共贊光白圓天魔波旬等降伏金剛
堅野义羅刹鬼亦赦塵垢纏乃致金翅鳥吞龍護

洪淵一十一衆中身意皆快然八河注大海中有
楞伽船佛法付國王平等無頗偏天子事端拱大
臣行其權玉堂無蠅飛五月氷凜筵盡力答明主
猶自招罪愆九族無白身百花動嬋娟神聖惡如
此物華不能妍祿山一微胡驅馬來自燕宛彼
關麗如何犬羊羶苦哉千萬人流血成丹川此
之死後鑊湯所熬煎業風吹其魂猛火燒其煙
有丁行者無憂樹枝邊市頭盲老人長者乞一
朝照多密用爲君吟此篇

寄上兵部韓侍郎奉呈李戶部盧刑部杜三

侍郎

道路五千里門關三十年當時携手人今日無半
全詠題官舍內賦韻僧房前公登畧釣橋况榜艫
舳船遠寺吐朱閣春潮浮綠煙鷁鴻翔鄧林沙塢
飛吳田諸子紛出祖中宵久留連坐客三千人皆
稱主人賢國士分如此家臣亦依然身在薜蘿中
頭刺文案邊故吏已重疊門生從聯翩得罪爲何
名無階問皇天出門多岐路命駕無由緣伏承諸
侍郎顧念一遭迤聖代逢三省營寬空九遷

從江西至彭蠡入浙西淮南界道中寄齊相

公

大賢舊丞相作鎮江上雄自鎮江上來何人得如
公處士待徐孺仙人期葛洪一身控上游八郡趨
下風比屋除畏溺林塘曳煙虹生人罷虔劉井稅
均且充大府蕭無事歡言接悲翁心清百丈泉日
送孤飛鴻數年鄱陽掾抱責棲微躬首陽及汨羅
無乃褊其衷楊朱并阮籍未免讓途窮四賢雖得
仁此怨何忽忽老氏齊寵辱於陵一窮通本師留
度門平等冤親同能依二諦法了達三輪空真鏡
靡方所出離內外中無邊盡未來定慧雙修功蹇

步暫寸進飾裝隨轉蓬朝從楚水陰夕宿吳洲東
吳洲覆白雲楚水飄丹楓晚霞燒迴潮千里光曠
曠莫開海上影桂吐淮南叢何當翼明庭草木生
春融

贈別崔十三長官

真玉燒不熱寶劍拘不折欲別崔俠心崔俠心如
鐵復如金剛鎖無有功不徹仍於直道中行事不
詆訐崔俠兩兄弟垂範繼芳烈相識三十年致書
字不減我來宣城郡飲水仰清潔藹藹北阜松栽
栽南山雪顧生歸山去知作幾年別

哭從兄襄

洞庭違鄂渚，嫋嫋秋風時。何人不客遊，獨與帝子期。
黃鵠鍛飛翹，青雲歎沉姿。身終一騎曹，高蓋者誰爲。
從駕至梁漢，金根復京師。皇恩溢九垓，不記屠沽兒。
立身有高節，滿卷多好詩。赫赫承明庭，羣公默無詞。
草木正搖落，哭兄鄱水湄。共居雲陽里，輾軻多別離。
人生倏忽間，精爽無不之。舊國數千里，家人猶未知。
人生倏忽間，安用才士爲。

後八句一本云

共居雲陽里輾軻多別離人生倏忽間旅櫬飄若遺稚子新學拜枯楊生一枝人生倏忽間精爽無不之舊國數千里家人由未知人生倏忽間安用才士爲

傷子

西陽雜俎記喪子年十七者悲傷不已作此詩其子冥中間之感慟自誓再爲

顧家子冥吏斷令託生七歲時其兄戲批之忽曰我是爾兄何故批我叙前生事歷歷不悞卽非熊也

老夫哭愛子日暮千行血聲逐斷猿悲路隨飛鳥滅老夫已七十不作多時別

大茅嶺東新居憶亡子從真

谷鳥猶呼兒山人夕霑襟懷哉隔生死悵矣徒登臨東門憂不入西河遇亦深古來失中道偶向經中尋大象無停輪倏忽成古今其天非不幸鍊形山太陰凡欲攀雲階譬如火鑄金虛室留舊札洞

房掩閑琴泉源登方諸上有空青林彷彿通寤寐
蕭寥邈微音軟草被汀洲鮮雲畧浮沈頽景宣疊
麗紺波響飄淋石窟含雲巢迢迢耿南岑悲恨自
茲斷情塵詎能侵真靜一時變坐起唯從心

蕭寺偃松

淒淒百卉病亭亭雙松迥直上古寺深橫拂秋殿
冷輕響入龜目片陰棲鶴頂山中多好樹可憐無
比並

丁籤七顧况之二

唐音統籤卷

二百十五

七言古詩

行路難三首

文苑英華
作一首非

君不見古人燒水銀變作北邙山上塵
藕絲掛在虛空中欲落不落愁殺人
睢水英雄多血刃建章宮闕成灰燼
淮王身死梓樹折徐福一去音書絕
行路難行路難生死有命皆繇天
秦皇漢武遭不脫汝獨何人學神仙

君不見擔雪塞井空用力炊沙作飯豈堪食

一作喫

一生肝膽向人盡相識不如不相識
冬青樹上挂

凌霄歲晏花凋樹不凋凡物各自有根本種禾終
不生荳苗行路難行路難不知何處是平道中心
無事當富貴今日看君顏色好

君不見少年頭上如雲髮少壯如雲老如雪豈知
灌頂有醍醐能使清涼頭不熱呂梁之水挂飛流

鼃鼃蛟蜃不敢遊少年恃險若平地獨倚長劍凌

清秋行路難行路難昔日少年今已老

英華無炫
日字

目春光不長好

英華亦
無此句

前朝竹帛事皆空日暮牛

羊古城草

短歌行三首

有序

情思發動聖賢所不能免也師乙陳其宜是州
審其音理亂之所經王化之所興也信無逃于
聲教豈徒文彩
之麗遂作此歌

城邊路今人犁田昔人墓
岼上沙昔時江水今人
家今人昔人共長歎
四氣相催節迴換
明月皎皎入華池
白雲離離度青漢
我欲升天天隔霄
我欲渡水水無橋
我欲上山山路險
我欲汲井井泉遙
越人翠被今何夕
獨立沙邊江草碧
紫燕西飛欲寄書
白雲何處蓬萊客

新繫青絲百尺繩
心在君家轆轤上
我心皎潔君不知
轆轤一轉一惆悵
何處春風吹曉幕
江南淥

水通朱閣美人二八顏如花泣向春風畏花落臨
春風聽春鳥別時多見時少愁人一夜不得眠瑤
井玉繩相對曉

軒轅黃帝初得仙鼎湖一去三千年周流三十六
洞天洞中日月星辰聯騎龍倒景遊八極軒轅弓
劍無人識東海青童寄消息以上三首前二首才
調集作悲歌分爲六
首後一首集本作攀龍引今
參文苑文粹品彙紀事改正

烏啼曲

玉房掣鎖聲翻葉銀箭添泉霜遶一作
遶霜堞畢遶櫓
刺日銜城八九鷁飛其母驚此是天上老鷄鳴我

聞一作人間老鷄無此聲
搖風雜佩耿華燭
夜聽羽人彈此曲
東方曈曈赤日旭

公子行

輕薄兒面如玉
紫陌春風纏馬足
雙鞵懸金縷
鶻飛長衫刺雪生
犀束綠槐夾道陰
初成珊瑚幾節
敵紅星紅肌拂拂
酒光凝當階背
拉金吾行朝遊
鑿鑿鼓聲發
暮遊鑿鑿鼓聲絕
入門不肯自升堂
美人扶踏金階月

古離別

西江上風動麻姑嫁時浪
西山爲水水爲塵不是

人離別人

幽居弄

苔衣生花花露滴月入西林蕩東壁扣商占角兩
三聲洞戶深窻一冥寂獨去滄洲無四鄰身嬰世
網此何身關情命曲寄惆悵久別山南山裏人

龍宮操

大曆壬子癸丑二
年大水時在滁作

龍宮月明光參差精衛銜石東飛時蛟人織綃採
藕絲翻江倒漢傾吳蜀漢女江妃杳相續龍王宮
中水不足

琴歌

郭茂倩
樂府

琴調秋些胡風遶雪峽泉聲咽佳人

缺

長安道

長安道人無衣馬無草何不歸來山中老

八月五日歌

四月八日明星出摩耶夫人降前

一作千

佛八月五

日佳氣新昭成太后生聖人開元九年燕公說奉
詔聽置千秋節丹青廟裏貯姚宋花萼樓中宴岐
薛清樂靈香幾處聞鸞歌鳳吹動祥雲已於武庫
見靈鳥仍向晉山逢老君率土普天無不樂河清
海宴窮寥廓梨園弟子傳法曲張果先生進仙藥

玉座淒涼遊帝京悲翁迴首感承明雲韶九奏杳
然遠惟有五陵松柏聲

金鑰玉佩歌

贈君金鑰太霄之玉珮金鑲禹步之流珠五嶽真
君之移籙九天丈人之寶書東井沐浴辰巳畢先
進洞房上奔日借問君欲何處來黃姑織女機邊
出

同裴觀察東湖望山歌

浴鮮積翠棲靈異石洞花宮橫半空

此非二句當是上四言下

三言各爲韻耳

夜光潭上明星啟風雨壇邊樹如洗水淹

徐孺宅恒乾繩墜洪崖井無底主人載酒東湖陰
遙望西山三四岑

送行歌

送行人歌一曲何者爲泥何者玉年華已向秋草
裏春夢猶傳故山綠

洛陽行送洛陽韋七明府

始上龍門望洛川洛陽桃李艷陽天最好當年二
三月上陽宮樹千花發疏家父子錯掛冠梁鴻夫
妻虛適越

廬山瀑布歌送李顧

飄白霓挂丹梯應從織女機邊落不遣潯陽潮向
西火雷劈山珠噴目五老峯前九江溢九江悠悠
萬古情古人行盡今人行老人也欲上山去上箇
深山無姓名

黃鵠樓歌送獨孤助

故人西去黃鵠樓西江之水上天流黃鵠杳杳江
悠悠黃鵠徘徊故人離別壺酒盡清絲絕綠嶼沒
餘煙白沙連曉月

薤草春

并序

隴西李迅者納別宅監奴出迅不喜欲訪故人
爲刺史強而配焉既歸而不合監奴投井而死

因作華草春
歌以悲之

華草春香容與江南艷歌京西舞執心輕子都信
節冠秋胡議以嫵支嫁時論自有夫蟬鬢蛾眉明
井底燕裙趙袂榮輶輶李生聞之淚如綆不忍迴
頭看此井月中桂樹落一株池上鵝鵲唼孤影露
菴穠李自成蹊溪水終天不向西翠帳綠窓寒寂
寂錦茵羅薦夜淒淒華草春丹井遠別後相思意
深淺

苦辭山歌

野人夜夢江南山江南山深松桂閑野人覺後長

嘆息帖蘚黏苔作山色閉門無事任盈虛終日歌
眠觀四如一如白雪飛出壁二如飛雨巖前滴三
如騰虎欲咆哮四如懶龍遭霹靂嶮峭嵌空潭洞
寒小兒兩手扶闌干

春草謠

春草不解行隨人上空城正月二月色綿綿千里
萬里傷人情

諒公洞庭孤橘歌

不種自生一株橘誰教渠向堦前出不羨江陵千
木奴下生白蟻子上生青雀雛飛花薝蔔旃檀香

結實如綴摩尼珠洞庭橘樹籠煙碧洞庭波月連
沙白待取天公放恩赦儂家定作湖中客

蕭鄆草書歌

蕭子草書人不及洞庭葉落秋風急上林花開春
露濕花枝濛濛向水垂見君數行之洒落石上之
松松下鶴若把君書比仲將不知誰上凌雲閣

嵇山道芬上人畫山水歌

鏡湖

一作中

真僧白道芬不服朱審李將軍墨汁平

鋪洞庭水筆頭點出蒼梧雲且看八月十五夜月

下看山盡如畫

一作畫分

范山人畫山水歌

山崢嶸水泓澄漫漫汗汗一筆耕一草一木棲

一作

淒神明忽如空中有物物中有聲復如遠道望鄉
客夢遶山川身不行

梁司馬畫馬歌

畫精神畫筋骨一團旋風瞥滅沒仰秣如上賀蘭
山低頭欲飲長城窟此馬昂然獨此羣阿爺是龍
飛入雲黃沙枯磧無寸草一日行過千里道展處
把筆欲描時司馬一騮賽傾倒

杜秀才畫立走水牛歌

崑崙兒騎白象時時鑣着獅子項奚奴跨馬不搭鞍立走水牛驚漢官江村小兒好誇騎脚踏牛頭上牛領淺草平田擦過時大蟲着鈍幾落井杜生知我戀滄洲畫作一障張床頭八十老婆拍手笑妬他織女嫁牽牛

梁廣畫花歌

王母欲過劉徹家飛瓊夜入雲輶車紫書分付與青鳥却向人間求好花上元夫人最小女頭面端正能言語手把梁生畫花看凝頻掩笑心相許心相許爲白阿孃從嫁與

李供奉彈箏篴歌

國府樂手彈箏篴赤黃條索金鐐頭早晨有勅鴛
鴦殿夜靜逐歌明月樓起坐可憐能抱撮大指調
絃中指撥腕頭花落舞製裂手下鳥驚飛撥刺珊
瑚席一聲一聲鳴錫錫羅綺屏一絃一絃如撼鈴
急彈好遲亦好宜遠聽宜近聽左手低右手舉易
調移音天賜與大絃似秋鴈聯聯度隴關小絃似
春燕喃喃向人語手頭疾腕頭軟來來去去如風
卷聲清泠泠鳴索索垂珠碎玉空中落美女爭窺
玳瑁簾聖人卷上真珠箔大絃長小絃短小絃緊

快大絃緩初調鏘鏘似鴛鴦水上弄新聲入深似
太清僊鶴遊秘館李供奉儀容質身才稍稍六尺
一在外不曾輒教人內裏聲聲不遣出指剝蔥腕
削玉饒鹽饒醬五味足弄調人間不識名彈盡天
下崛奇曲胡曲漢曲聲皆好彈着曲髓曲肝腦往
往從空入戶來瞥瞥隨風落春草草頭只覺風吹
入風來草卽隨風立草亦不知風到來風亦不知
聲緩急燹玉燭照銀燈光照手實可憎只照箜篌
絃上手不照箜篌聲裏能馳鳳闕拜鸞殿天子一
目一迴見王侯將相五馬迎巧聲一日一迴變寶

唐音續籤
可重不惜千金買一弄銀器胡瓶馬上馱瑞錦輕
羅滿車送此州好手非一國一國東西盡南北除
却天上化下來若向人間實難得

李湖州孺人彈箏歌

武帝昇天留法曲淒情掩抑絃柱促上陽宮人怨
青苔此夜想夫憐碧玉思婦高樓刺壁窺愁猿叫
月鸚呼兒寸心十指有長短妙入神處無人知獨
把梁州凡幾拍風沙對面胡秦隔聽中忘却前溪
碧醉後猶疑邊草白

鄭女彈箏歌

鄭女八歲能彈箏春風吹落天上聲一聲雍門淚
承睫兩聲赤鯉露鬢鬣三聲白猿臂拓頰鄭女出
參丈人時落花若斷遊空絲高樓不掩許聲出差
殺百舌黃鶯兒

劉禪奴彈琵琶歌

感相國韓
公悼公主

樂府只傳橫吹好琵琶寫出關山道羈馬出塞繞
黃雲邊馬仰天嘶白草明妃怨中漢使迴蔡琰愁
處胡笳哀鬼神知妙欲收響陰風切切四面來李
陵寄書別蘇武自有生人無此苦當時若值霍驃
姚滅盡烏孫等公主

宜城放琴客歌

并序 柳渾
封宜城縣伯

琴客宜城愛妻也宜城請老愛妻出嫁不禁
人之欲而私耳目之娛達者也況承命作歌

佳人玉立生北方
家住邯鄲不是倡
頭髻鬢鬢手
爪長善撫琴瑟
有文章新樹龍梯雲母光
朱絃綠
水喧洞房忽聞斗槽初興絕日暮浮雲古離別
巴
猿啾啾峽泉咽
溪落
顏色喝不知誰家更張
設絲履牆偏釵股折
南山聞千丈雪七十非人
不煖熱人情厭薄
一作消歌
古共然相公心在持事堅
上善若水任方圓
憶昨好之今棄捐
服藥不如獨
自眠從他更嫁一少年

丘少府小鼓歌

地盤山鳴猶可像坎坎砰砰隨手長夜半高樓沉

一作客醉時萬里踏橋亂山響

險竿歌

宛陵女兒壁飛手長竿橫空上下走已能輕險若
平地豈肯身爲一家婦宛陵將士天下雄一下定
却長稍弓翻身挂影恣騰蹋反縮頭髻盤旋風盤
旋風撒飛鳥驚猿遶樹枝裏頭上打鼓不聞時手
蹉脚踏蜘蛛絲忽雷掣斷流星尾矐睽割破蚩尤
旗若不隨仙作仙女卽應嫁賊生賊兒中丞方略

通變化外戶不局從女嫁

露青竹鞭歌

鮮于仲道正當年章仇兼瓊在蜀川約束蜀兒採
馬鞭蜀兒採鞭不敢眠橫截斜度飛鳥邊繩橋夜
上層崖顛頭插白雲跨飛泉採得馬鞭長且堅浮
漚丁子珠聯聯灰煮蠟揩光爛然章仇兼瓊持上
天上天雨露何其偏飛龍閑廐馬數千朝飲吳江
夕秣燕紅塵撲轡汗濕羈師子麒麟聊比肩曲江
昆明洗刷牽四蹄踏浪頭耕天蛟龍稽顙河伯虔
拓羯胡雛脚手鮮陳閔韓幹丹青妍欲貌未貌眼

欲穿金鞍玉勒錦連乾騎入桃花楊柳烟十二樓
中奏管絃樓中美人奪神僊爭愛大家把此鞭
羈山人關關破年忽見揚州北邸前祇有人還
千一錢亭亭筆直無皺節磨捋形相一條鐵市頭終是
無人別江海賤臣不拘縶垂鞚挂影西窓缺稚子
覓衣挑仰穴家僮拾薪幾拗折玉潤猶沾玉壘雪
碧鮮似樂萇弘血蜀帝祠邊子規咽相如橋上文
君絕往年策馬降至尊七盤九折橫劍門穆王八
駿超崑崙安用冉冉孤生根聖人不貴難得貨金
玉珊瑚誰買恩

剡紙歌

雲門路上山陰雪中有玉人持玉節宛委山裏禹
餘糧石中黃子黃金屑剡溪剡紙生剡藤噴水搗
後爲蕉葉欲寫金人金口經寄與山陰山裏僧手
把山中紫羅筆思量點畫龍蛇出政是垂頭搗翼
時不免向君求此物

騷體

朝上清歌

潔眼朝上清綠景開紫霞皇皇紫微君左右皆靈
娥曼聲流睇和清歌些些至陽無諼其樂多些旌蓋

颯香簫鼓和些金鳳玉麟鬱駢羅些反風名香香
氣遐些瓊田瑤草壽無涯些君着玉衣升玉車些
欲降瓊宮玉女家些其堯千年始着花些蕭寥天
清而染雲目瓊瓊兮情感珮隨香兮夜聞肅肅兮
惓惓啓天和兮洞靈心和爲丹兮雲爲馬君乘之
觴于瑤池之上兮三光羅列而在下

日晚歌

朱晦菴云氣雖淺
短而意若差健

日窅窅兮下山望佳人兮不還花落兮屋上草生
兮堦間日日兮春風芳菲兮欲歇老不可兮更少
君胡爲兮輕別